

Informacije o Trening centru SHL House

Trening centar SHL House je mjesto koje mladima uzrasta od 14 do 30 godina pruža mogućnost smještaja i boravka, a kuća je posebno za organiziranje seminara, treninga, radionica te drugih oblika neformalnog obrazovanja.

SHL kuću, otvorenu 1999. godine u sarajevskom naselju Stup, izgradili su njemački srednjoškolci s namjerom da mladima Bosne i Hercegovine ali i mladima iz inostranstva ponude neutralno mjesto edukacije i druženja, bez obzira na etničku, vjersku, rodnu ili bilo kakvu drugu pripadnost.

Osim edukativnih programa Fondacije Schüler Helfen Leben koji se održavaju u Trening centru SHL House kapacitete kuće koriste i druge nevladine organizacije i omladinske grupe.

Svi ostvareni prihodi Trening centra SHL House koriste se za financiranje omladinskih projekata Fondacije Schüler Helfen Leben u Bosni i Hercegovini.

Trening
centar SHL
House

Šta nudi Trening centar SHL House

Seminarske prostorije

Vrhunski opremljen Trening centar nudi dvije seminarske prostorije ukupne površine od 90 m² u kojima mogu raditi grupe do 30 osoba. Za kvalitetno održavanje seminara osigurali smo i niz edukacijskih pomagala i modernu opremu, kao što su: overhead projektor, LCD televizor, HD kamera, laptop, flipchart, panoe, table, itd...

Noćenje

Za noćenje u Trening centru SHL House nudimo pet komfornih soba sa 4-7 kreveta, te dvije odvojene jednokrevetne i jednu dvokrevetnu sobu, pogodne za voditelje seminara – ukupan kapacitet 29 kreveta. Uz smještajne kapacitete, tu je i naša kuhinja koja vam stoji na raspolaganju za samostalno pripremanje obroka. Doručak je uračunat u cijenu noćenja, a zbog očuvanja porodične i neformalne atmosfere obroci funkcionišu po principu samousluživanja. SHL House nudi mogućnost i eksternog kateringa za ručak i večeru.

Slobodno vrijeme

Za što ugodniji boravak u SHL kući na raspolaganju vam stoji dnevna soba sa balkonom, gdje u slobodno vrijeme možete gledati televizor, igrati različite društvene igre ili se jednostavno družiti uz gitaru. Tu je naravno i naš vrt koji pruža mogućnost izvođenja radionica na otvorenom kao i opuštanja ili druženja uz roštilj i sportske aktivnosti.

Ponuda

- ✓ Fleksibilni check in – check out prema dogovoru
- ✓ Dvije multifunkcionalne seminarske sale sa klima uređajem
- ✓ Besplatan WIFI
- ✓ Audio vizualna oprema
- ✓ Prostrano dvorište
- ✓ Sefovi za vrijedne stvari
- ✓ Peškiri i posteljina
- ✓ 24 sata topla voda
- ✓ Fenovi za kosu
- ✓ Samouslužna kuhinja
- ✓ Eksterni katering (ručak i večera)
- ✓ 29 kreveta
- ✓ Dnevna soba sa mnoštvom društvenih igara
- ✓ Mlado i ljubazno osoblje
- ✓ Po upitu pomoć pri organizovanju seminara, radionica, itd.

Kontakt SHL House

Slobodne termine za rezervaciju korištenja kuće možete provjeriti na sljedećim kontaktima:

Tatjana Blažević

e-mail: tatjana@shl.ba

tel. +387 33 550 660; +387 33 773 000

Trening centar SHL House
Lepenička 89
71 000 Sarajevo Bosna i Hercegovina

Facebook: <https://www.facebook.com/SHLhouse>

Radujemo se vašoj posjeti!

Trening
centar SHL
House

Prednosti Trening centra SHL House

Samouslužna kuhinja

Ako je vaša organizacija fokusirana na održivost, ekologiju ili izgradnju tima, SHL kuća je idealno mjesto za vas jer nudi jedinstvenu priliku da sami za sebe pripremate hranu u toku boravka. Dok prilikom odsjedanja u hostelu ili hotelu obično nemate priliku da aktivno birate porijeklo namirnica - u SHL kući imate tu slobodu (ako želite pripremati organsku hranu npr.). Kroz zajedničko kuhanje možete podići nivo kohezije u grupi, može vam biti jeftinije da kuhate kao grupa, a mladim ljudima možete osvijestiti koliko mnogo se može skuhati uz malo truda i sa malo novca. Ako u grupi imate vegetarijance, za njih će olakšanje biti da ne moraju jesti isto vegetarijansko jelo svaki dan ali i prilika da pokažu da je lako pripremati vegeatirijansku hranu i da to uopšte nije monotono. Isto vrijedi i za vegane i osobe sa alergijama. Naša samouslužna kuhinja nudi jedinstven pristup za bolje upoznavanje svega što ima veze sa hranom, održivošću i grupnom dinamikom.

Jezici koje govori osoblje

Članovi našeg tima govore nekoliko jezika. Kao podršku stranim grupama u stanju smo ponuditi komunikaciju na njemačkom i engleskom, te naravno komunikaciju na lokalnim jezicima BiH. Sve informacije o SHL kući su također dostupne na pomenutim jezicima.

Seminarski materijal

Ako uz smještaj u SHL kući rezervišete i seminarske prostorije mi obezbjeđujemo uobičajeni seminarski materijal za grupne radionice. SHL kuća je opremljena tehničkim pomagalicama kao što su projektor, laptopi i kamera, a tu su i papiri, flipcharti, markeri i sve drugo što je neophodno za seminare. Ovo ne samo da olakšava logističku pripremu seminara nego je i ekološki održivije.

Lokacija

Biti izvan centra grada je prednost za proces učenja na radionici ili seminaru. Organizatori mogu biti sigurni da maloljenti učesnici neće završiti u nekom baru/kafiću jednostavno zato što ne postoji ni jedan takav u neposrednoj blizini SHL kuće. Grupe se mogu zaista fokusirati na sebe i proces učenja dok su u SHL kući, a na putu ka centru imate priliku razgledati skoro cijeli grad. Ovo može biti naročito korisno za seminare koji uključuju mlade iz drugih krajeva BiH ili iz inostranstva. U svakom slučaju, do SHL kuće je lako doći javnim gradskim prevozom sa glavne autobuske/željezničke stanice u Sarajevu te sa autobuske stanice u Istočnom Sarajevu.

Sloboda i nezavisnost

Za razliku od hostela ili hotela u SHL kući vi možete odlučiti koliko dugo će grupi biti dozvoljeno da ostane u zajedničkim prostorijama kao što je dnevni boravak, a također možete birati gdje provodite pauze u toku seminara. Zajedničke prostorije nude mogućnost okupljanja cijele grupe, a istovremeno razdvajaju radni dio seminara od druženja i opuštanja. U većini slučajeva nema drugih gostiju kojima biste mogli smetati ili koji bi vama mogli smetati. U slučaju da se u kući ipak zadesi više od jedne grupe istovremeno to je prava prilika za upoznavanje i razmjenu iskustva na obostranu korist.

Dobrotvornost i podrška mladima

Ideja SHL kuće došla je od njemačkih srednjoškolaca koji su radili u BiH otprilike pet godina. Grupa mladih aktivista angažovanih u SHL-u su realizovali ideju koja je ustvari podržana od oko 35.000 njemačkih učenika koji su umjesto da idu u školu radili jedan dan i donirali svoje zarade za izgradnju SHL kuće. Od tada, ona nije samo mjesto za okupljanje mladih nego se i prihod ostvaren njenim iznajmljivanjem koristi za finansiranje novih projekata mladih u BiH kao i za konstantno unapređenje kapaciteta SHL kuće kako bi se adekvatno odgovorilo na potrebe mladih danas.

Trening
centar SHL
House